

1821.

Na osnovu člana 10 stav 6, člana 88 stav 2 i 123 stav 9 Zakona o veterinarstvu („Službeni list CG“, br. 30/12, 48/15 i 52/16), Ministarstvo poljoprivrede i ruralnog razvoja donijelo je

**PRAVILNIK
O USLOVIMA ZA VETERINARSKJE ORGANIZACIJE ZA SAKUPLJANJE I
SKLADIŠTENJE REPRODUKTIVNOG MATERIJALA SVINJA I USLOVIMA ZA
REPRODUKTIVNI MATERIJAL SVINJA RADI STAVLJANJA U PROMET ***

Predmet

Član 1

Ovim pravilnikom propisuju se uslovi u pogledu kadra, prostora (objekata), tehničkih uslova i opreme za veterinarske organizacije za sakupljanje i skladištenje reproduktivnog materijala svinja (u daljem tekstu: Centar), uslovi za reproduktivni materijal svinja radi stavljanja u promet i uslovi za uvoz reproduktivnog materijala svinja.

Reproduktivni materijal svinja

Član 2

Reproduktivni materijal svinja je ejakulat svinja u nepromjenjenom stanju ili pripremljeni ili razrijeđeni ejakulat svinja (u daljem tekstu: sjeme).

Uslovi za Centre

Član 3

Centar treba da ima:

- zaposlenog najmanje jednog veterinara za vršenje nadzora nad zdravljem životinja i proizvodnjom sjemena;
- prostor za smještaj životinja i objekte za izolaciju;
- objekte za sakupljanje sjemena sa izdvojenom prostorijom za čišćenje, dezinfekciju i/ili sterilizaciju opreme;
- prostoriju za obradu sjemena koja ne mora da bude na istoj lokaciji;
- prostoriju za skladištenje sjemena koja ne mora da bude na istoj lokaciji;
- prostor za izolaciju životinja koji nije direktno povezan sa prostorom za smještaj životinja;
- opremu za vođenje evidencije o svim svinjama u Centru, sa podacima o rasi, datumu rođenja sa identifikacionim brojem, izvršenim pregledima na bolesti, sprovedenim vakcinacijama koje se upisuju u zdravstvene kartone za svaki svinju posebno;
- dezinfikovane posude za sakupljanje i skladištenje sjemena;
- uređaje za zamrzavanje sjemena.

Prostor i objekti iz stava 1 ovog člana, treba da su:

- projektovani tako da je prostor za smještaj životinja fizički odvojen od prostorije za obradu sjemena i od prostorije za skladištenje sjemena;
- izolovani i izgrađeni od materijala koji omogućava lako čišćenje i dezinfekciju prostora i objekata i sprječava kontakt sa životinjama van objekta.

Uvođenje svinja u Centre

Član 4

U Centre se uvode svinje koja ispunjavaju zahtjeve utvrđene Prilogom 1.

U Centar se smještaju samo životinje iste vrste od kojih se sakuplja sjeme.

Uslovi za promet sjemena

Član 5

Sjeme se može stavljati u promet ako:

- je sakupljeno i obrađeno radi vještačkog osjemenjavanja ili skladišteno u Centrima koji ispunjavaju uslove iz člana 3 ovog pravilnika;
- je sakupljeno od domaćih vrsta svinja čiji je zdravstveni status u skladu sa Prilogom 1;
- je sakupljeno, obrađeno, skladišteno i transportovano u skladu sa članom 3 ovog pravilnika i Priloga 2;
- ga prati tokom prevoza sertifikat o zdravstvenom stanju životinja koji je dat na obrascu 1.

Uvoz sjemena

Član 6

Pošiljke sjemena koje se uvoze treba da prati veterinarski sertifikat o zdravlju životinja, koji je izdao nadležni organ države u kojoj je sjeme sakupljeno.

Sertifikat iz stava 1 ovog člana, treba da je sačinjen na crnogorskom jeziku i službenom jeziku države u kojoj je sjeme sakupljeno u originalu i da prati pošiljku do odredišta.

Sertifikat iz stava 2 ovog člana, treba da bude sačinjen na jednom listu papira i naslovljen samo na jednog primaoca.

Prilikom uvoza pošiljki duboko zamrznutog sjemena uzimaju se u obzir:

- a) zdravstveni status svinja, drugih domaćih i divljih životinja, naročito u odnosu na egzotične bolesti životinja koji mogu ugroziti zdravlje životinja u Crnoj Gori i uslove životne sredine u državi sakupljanja sjemena;
- b) redovno i blagovremeno izvještavanje o pojavi zaraznih bolesti životinja na području država sakupljanja sjemena, a posebno bolesti sa liste bolesti Svjetske organizacije za zaštitu zdravlja životinja (u daljem tekstu: OIE);
- c) organizacija i ovlašćenja veterinarske službe u državi sakupljanja sjemena;
- d) pravila, organizacija i sprovođenje mjera za sprečavanje i kontrolu zaraznih bolesti životinja; i
- e) garancije koje država sakupljanja sjemena može dati u odnosu na ispunjenost zahtjeva utvrđenih ovim pravilnikom.

Uvoz sjemena može se vršiti iz Centra sa liste odobrenih objekata Evropske Unije i Centara iz drugih država ako su:

- a) Centri službeno odobreni od strane nadležnog organa države izvoznice i ispunjavaju uslove propisane ovim pravilnikom;
- b) pod nadzorom veterinarar;
- c) predmet službene kontrole najmanje dva puta godišnje.

Sjeme iz stava 5 ovog člana, treba da potiče od životinja koje su neposredno prije sakupljanja sjemena boravile najmanje tri mjeseca na području država iz stava 4 ovog člana i ispunjavaju zahtjeve za zdravlje životinja iz Priloga 1.

Sjeme se može smjestiti u karantin do dobijanja rezultata laboratoriskih ispitivanja u slučaju sumnje da je sjeme zaraženo patogenim organizmima, pod uslovom da ne utiču na vitalnost sjemena.

Prilozi i obrazac

Član 7

Prilozi 1 i 2 i obrazac 1 čine sastavni dio ovog pravilnika.

Stupanje na snagu

Član 8

Ovaj pravilnik stupa na snagu osmog dana od dana objavljivanja u „Službenom listu Crne Gore”.

*U ovaj pravilnik prenesene su odredbe Direktive Vijeća br. 90/429/EEZ o utvrđivanju uslova zdravlja životinja koji se primjenjuju na trgovinu unutar Zajednice i uvoz sjemena domaćih životinja vrste svinja; Uredba komisije 176/2012 o izmjeni priloga B, C, i D Direktivi Vijeća 90/429/EEZ o zahtjevima zdravlja životinja vezano uz brucelozu i Aujeszki bolest; Uredba Vijeća (EZ) br. 806/2003 o usklađivanju sa Odlukom 1999/468/EZ odredaba u vezi sa odborima koji pomažu Komisiji u ispunjavanju njezinih provedbenih ovlasti predviđenih u instrumentima Vijeća koji se usvajaju u postupku savjetovanja (kvalificirana većina); Odluka Komisije 2000/39/EZ o izmjeni Priloga B Direktive Vijeća 90/429/EEZ o utvrđivanju uslova zdravlja životinja koji se primjenjuju na trgovinu unutar Zajednice i uvoz sjemena domaćih životinja vrste svinja; Direktiva vijeća 2008/73/EZ o pojednostavljenju postupaka navođenja i objavljivanja podataka u područjima veterine i zootehnike i o izmjeni direktiva 64/432/EEZ, 77/504/EEZ, 88/407/EEZ, 88/661/EEZ, 89/361/EEZ, 89/556/EEZ, 90/426/EEZ, 90/427/EEZ, 90/428/EEZ, 90/429/EEZ, 90/539/EEZ, 91/68/EEZ, 91/496/EEZ, 92/35/EEZ, 92/65/EEZ, 92/66/EEZ, 92/119/EEZ, 94/28/EZ, 2000/75/EZ, Odluke 2000/258/EZ i direktiva 2001/89/EZ, 2002/60/EZ i 2005/94/EZ.

Broj: 323-86/17-4

Podgorica, 20. decembra 2017. godine

Ministar,
mr **Milutin Simović**, s.r.

USLOVI U POGLEDU ZDRAVSTVENOG STATUSA SVINJA

DIO 1

1. Svinje koje se uvode u Centar, prije prijema treba da ispunjavaju sljedeće uslove:

1.1. da borave u karantinu najmanje trideset dana, u prostoru koji namjenjenom za karantin gdje su prisutne svinje istog zdravstvenog statusa;

1.2. svinja prije ulaska u karantin:

1.2.1. treba da potiče od stada ili gazdinstva:

(a) slobodnog od bruceloze svinja u skladu sa poglavljem koje se odnosi na brucelozu svinja;

(b) u kojem tokom prethodnih dvanaest mjeseci nije boravila ni jedna životinja vakcinisana protiv slinavke i šapa;

(c) u kojem u prethodnih dvanaest mjeseci nije utvrđen klinički, serološki, virusološki ili patološki dokaz Aujeszke bolesti;

(d) koja se ne nalaze u području pod ograničenjem zbog pojave zarazne bolesti domaćih svinja, uključujući slinavku i šap, vezikularnu bolest svinja, vezikularni stomatitis, klasičnu kugu svinja i afričku kugu svinja;

1.2.2. nisu prethodno držane u stadu sa nižim zdravstvenim statusom od onog opisanog u podtački

1.2.1. ove tačke;

1.3. trideset dana prije ulaska u karantin treba da su testirane sa negativnim rezultatima:

(a) na brucelozu, puferizovani brucela antigen test (rose Bengal test), ili cELISA ili iELISA;

(b) na Aujeszke bolest:

– u slučaju nevakcinisanih životinja, ELISA za otkrivanje antitijela za cijeli virus Aujeszke bolesti, ili za njegov glikoprotein B (ADV-gB) ili glikoprotein D (ADV-gD), ili serum neutralizacijski test;

– u slučaju životinja vakcinisanih sa gE markiranim vakcinom, ELISA za otkrivanje antitijela za glikoprotein E virusa Aujeszke bolesti (ADV-gE);

(c) za utvrđivanje klasične kuge svinja, ELISA ili serum neutralizacijski test.

Ukoliko je test iz tačke 1.3 podtačka a pozitivan, ni jedna životinja sa tog gazdinstva se ne smije se smjestiti u karantin dok se ne potvrdi da stado ili gazdinstvo porijekla pozitivnih reaktora ima status slobodnog od bruceloze.

Serološka ispitivanja na Aujeszke bolest vrše se u skladu sa propisom kojim je uređen promet goveda i svinja.

1.4. su podvrgnute sljedećim ispitivanjima sprovedenim na uzorcima prikupljenim tokom posljednjih petnaest dana perioda karantina određenog u tački 1.1.:

(a) za utvrđivanje bruceloze, puferizovani brucela antigen test (rose Bengal test), ili cELISA ili iELISA;

(b) za utvrđivanje Aujeszke bolesti:

– u slučaju nevakcinisanih životinja, ELISA za otkrivanje antitijela za cijeli virus Aujeszke bolesti, ili za njegov glikoprotein B (ADV-gB) ili glikoprotein D (ADV-gD), ili serum neutralizacijski test;

– u slučaju životinja vakcinisanih sa gE markiranim vakcinom, ELISA za otkrivanje antitijela za glikoprotein E virusa Aujeszke bolesti (ADV-gE).

Životinje kod kojih testom tačke 1.4 podtačke a utvrđen pozitivan rezultat i ne može se isključiti sumnja na brucelozu u skladu sa tačkom 1.5 podtačka 1.5.2., se odmah uklanjaju iz karantina.

Životinje kod kojih testom iz podtačke b ove tačke utvrđen pozitivan rezultat se odmah uklanjaju iz karantina.

U slučaju kada je grupa životinja smještena u karantin, preduzimaju se potrebne mjere kako bi se osiguralo da preostale životinje koje su pokazale negativnu reakciju na testove iz podtačke a i b ove tačke imaju zadovoljavajući zdravstveni status prije ulaska u Centar za sakupljanje sjemena.

1.5. mjere u slučaju sumnje na brucelozu:

1.5.1. ako su životinje pozitivne na brucelozu pri testiranju iz tačke 1.4. podtačka a:

(a) pozitivni serum se ispituje najmanje još jednim od testova iz tačke 1.4. podtačka, a koji nije bio sproveden na uzorcima iz tačke 1.4.;

(b) epidemiološko ispitivanje se sprovodi na gazdinstvu porijekla životinja koje su reagovale pozitivno;

(c) na životinjama koje su pozitivne na testove iz tačke 1.4. podtačka a i podtačke b ove tačke, sprovodi se najmanje jedno od sljedećih ispitivanja, na uzorcima prikupljenim najmanje sedam dana nakon datuma prikupljanja uzoraka iz tačke 1.4. podtačke a:

– puferizovani brucela antigen test (rose Bengal test);

– serum aglutinacijski test;

- reakcija vezanja komplemenata;
- cELISA;
- iELISA.

1.5.2. sumnja na brucelozu isključuje se ako je:

(a) je ponovljenim ispitivanjima iz tačke 1.5.1. podtačka a dobijen negativan rezultat, a epidemiološkim ispitivanjem na gazdinstvu porijekla nije otkrivena prisutnost bruceloze svinja i test iz tačke 1.5.1. podtačka c sproveden sa negativnim rezultatom, ili

(b) epidemiološkim ispitivanjem na gazdinstvu sa kojeg životinje potiču nije otkriveno prisustvo bruceloze svinja i ako je za životinje sa pozitivnim rezultatom na test iz tačke 1.5.1. podtačka a i (c) ove tačke dobijen negativan rezultat kod post mortem pregleda i identifikacije uzročnika bruceloze svinja;

1.5.3. nakon isključivanja sumnje na brucelozu, životinje iz karantina iz tačke 1.4. i uvode se u Centar za sakupljanje sjemena.

2. Testovi se sprovode u ovlašćenim laboratorijama.

3. Uvođenje životinja u Centar odobrava veterinar zaposlen u centru, a sva kretanja životinja, ulasci i izlasci iz centra, se evidentiraju.

4. Ni jedna životinja koja se prima u Centar ne treba da pokazuje kliničke znake bolesti na dan uvođenja.

Pored uslova iz tačke 5 ovoga dijela, životinje treba da dolaze direktno iz karantina, koji na dan dopreme pošiljke ispunjava sljedeće uslove:

(a) nije smješten u području pod ograničenjem koje se odnosi na pojavu zarazne bolesti kod domaćih svinja, uključujući slinavku i šap, vezikularnu bolest svinja, vezikularni stomatitis, klasičnu kugu svinja i afričku kugu svinja;

(b) u kojem nije bilo kliničkih, seroloških, virusoloških ili patoloških znakova Aujeszki bolesti zabilježenih u zadnjih trideset dana prije datuma otpreme.

5. Životinje se mogu premještati direktno iz jednog u drugi Centar jednakog zdravstvenog statusa, bez boravka u karantinu ili ispitivanja, ako su ispunjeni uslovi iz tačke 4 ovoga dijela i ako su sprovedena redovna testiranja iz Dijela 2 ovoga priloga tokom 12 mjeseci prije datuma premještanja, a te životinje ne smiju doći u direktan ili indirektan kontakt sa papkarima nižeg zdravstvenog statusa i prevoze se prevoznim sredstvima koja su očišćena i dezinfikovana.

6. Životinje iz tačke 5 ovog Dijela treba da pratiti sertifikat u kojem se navode dodatne garancije koje odgovaraju njihovom zdravstvenom statusu:

životinje dolaze direktno iz:

(1) Centra koji ispunjava propisane uslove; ili

(2) karantina i ispunjavaju propisane uslove za uvođenje u Centar; ili

(3) gazdinstava na kojima su prije karantina izvršena propisana ispitivanja (predkarantin) i ispunjavaju propisane uslove za uvođenje u karantin.

TESTIRANJA SVINJA U CENTRIMA ZA SAKUPLJANJE SJEMENA

DIO 2

1. Obvezno redovno testiranje:

1.1. svinje koje se drže u Centru ispituju se sljedećim testovima, sa negativnim rezultatom:

(a) za utvrđivanje bruceloze, puferizovani brucela antigen test (rose Bengal test), ili cELISA ili iELISA;

(b) za utvrđivanje Aujeszki bolesti:

– u slučaju nevakcinisanih životinja, ELISA za otkrivanje antitijela za cijeli virus Aujeszki bolesti, ili za njegov glikoprotein B (ADV-gB) ili glikoprotein D (ADV-gD), ili serum neutralizacijski test,

– u slučaju životinja vakcinisanih sa gE markiraniom vakcinom ELISA za otkrivanje antitijela za glikoprotein E virusa Aujeszki bolesti (ADV-gE);

(c) za utvrđivanje klasične kuge svinja, ELISA za dokazivanje prisustva antitijela ili serum neutralizacioni test;

1.2. testovi iz tačke 1.1. ovog dijela sprovede se na uzorcima prikupljenim:

– od svih svinja neposredno prije napuštanja Centra, ili nakon dolaska u klanicu, ali ne kasnije od 12 mjeseci od datuma uvođenja u Centar; ili

– od najmanje 25% svinja u Centru za sakupljanje sjemena svaka tri mjeseca, uz obezbijedenje da uzorkovane životinje predstavljaju reprezentativni uzorak cijele populacije Centra, posebno u odnosu na starosne kategorije i načine držanja;

1.3. kada se testiranje sprovedi u skladu sa tačkom 1.2. podtačka b ovog dijela, životinje se testiraju u skladu sa tačkom 1.1. ovog dijela najmanje jednom tokom njihovog boravka u Centru za sakupljanje sjemena i najmanje svakih 12 mjeseci od datuma uvođenja ako borave u Centru više od 12 mjeseci.

2. Testovi se sprovode se u ovlaštenoj laboratoriji.

3. Ako je i jedan od testova iz tačke 1.1. ovog dijela ima pozitivan rezultat, životinje se izoluju, a od njih sakupljeno sjeme u periodu od poslednjeg negativnog testa, se ne smije stavljati u promet.

Sjeme sakupljeno od svake životinje u Centru, od datuma poslednjeg negativnog testa za tu životinju, odvojeno se skladišti i ne smije se stavljati u promet do ponovnog uspostavljanja zdravstvenog statusa centra.

PRILOG 2

USLOVI ZA STAVLJANJE U PROMET SJEMENA SVINJA

1. Sjeme sakupljeno u Centru može se stavljati u promet ako:

- 1) se sakupljanje, obrada i skladištenje sjemena namjenjenog stavljanju u promet vrši u prostorijama koje su za to namjenjene uz primjenu najstrožijih zahtjeva higijene, uz obaveznu dezinfekciju odnosno sterilizaciju prije upotrebe svih instrumenata koji dolaze u kontakt sa sjemenom svinja ili životinjom donorom za vrijeme sakupljanja ili obrade sjemena;
- 2) su proizvodi životinjskog porijekla koji se koriste pri obradi sjemena, uključujući dodatke ili razrjeđivače, dobijeni od materija koje ne predstavljaju rizik za zdravlje životinja ili se tretiraju kako bi se onemogućila pojava zaraznih bolesti u Centru za sakupljanje sjemena;
- 3) se posude za sakupljanje, skladištenje sjemena dezinfikuju prije početka punjenja;
- 4) se za zamrzavanje sjemena koristi samo sredstvo koje nije korišćeno za druge proizvode životinjskog porijekla;
- 5) se sakupljano sjeme označava oznakom koja mora biti jasno vidljiva, tako da su podaci o datumu sakupljanja, rasi, identifikaciji životinje donora i registarski broj centra za sakupljanje sjemena jasno vidljivi;
- 6) je sjeme dobijeno od životinja koje:
 - (a) ne pokazuju kliničke znake bolesti na dan sakupljanja sjemena;
 - (b) nijesu vakcinisane protiv slinavke i šapa;
 - (c) ispunjavaju zahtjeve iz ovog dijela;
 - (d) se ne koriste za prirodni pripust;
 - (e) se drže u Centrima koji se ne nalaze u području pod ograničenjem koje se odnosi na pojavu zarazne bolesti u domaćih svinja, uključujući slinavku i šap, vezikularnu bolest svinja, vezikularni stomatitis, klasičnu kugu svinja i afričku kugu svinja;
 - (f) se drže u Centrima u kojima nije bilo kliničkih, seroloških, virusoloških ili patoloških znakova Aujeszke bolesti zabilježenih u zadnjih 30 dana neposredno prije datuma sakupljanja;
- 7) se razrjeđivaču ili sjemenu nakon konačnog razrjeđivanja dodaje efikasna kombinacija antibiotika, posebno protiv leptospiroza, a u slučaju zamrznutog sjemena, antibiotici se dodaju prije zamrzavanja sjemena, a konačno razjeđeno sjeme sadrži antibiotike koji se dodaju sjemenu da bi se dobile sljedeće kombinacije antibiotika:
 - (a) ne manje od 500 µg streptomicina po ml konačnog razrjeđenja;
 - (b) ne manje od 500 IU penicilina po ml konačnog razrjeđenja;
 - (c) ne manje od 150 µg linkomicina po ml konačnog razrjeđenja;
 - (d) ne manje od 300 µg spektinomcina po ml konačnog razrjeđenja;
- 8) se, odmah po dodavanju antibiotika, razrjeđeno sjeme drži na temperaturi od najmanje 15 °C, u razdoblju ne kraćem od 45 minuta.

2. Prihvatanje sjemena se može odbiti iz Centara država članica Evropske unije u kojima se nalaze životinje vakcinisane protiv Aujeszke bolesti.

VETERINARSKO-ZDRAVSTVENI CERTIFIKAT ZA UVOZ SJEMENA DOMAĆIH SVINJA (*SUS SCROFA*) NAMIJENJENO UVOZU U CRNU GORU (POR)

Dio I: Podaci o otpremljenoj pošiljci	1.1. Pošiljalac		1.2. Referentni broj sertifikata		1.2a	
	Ime					
	Adresa		1.3. Centralni nadležni organ			
	Poštanski br.		1.4 Lokalni nadležni organ			
	1.5 Primalac		1.6.			
	Ime					
	Adresa		1.7.			
	Poštanski br.					
	1.8. Država porijekla	1.9.Regija porijekla	1.10.Država odredišta	ISO oznaka	1.11 Regija	odredišta
	Oznaka ISO	Oznaka				
1.12 Mjesto porijekla Centar za sakupljanje sjemena		1.13.Mjesto odredišta Centar za skupljanje sjemena				
Naziv		Naziv				
Adresa		Adresa				
Poštanski br.		Poštanski br.				
1.14		1.15				
1.16 Transportno sredstvo		1.17				
Avion ☐		Brod ☐				
Kamion ☐		Željeznički vagon ☐				
Identifikacija		Drugo ☐				
1.18. Opis pošiljke		1.19. Kod pošiljke (CT broj)				
		1.20.Količina				

1.21. Temperatura proizvoda		1.22. Broj paketa	
Sobna temperatura ☐ Ohlađeno ☐ Zamrznuto ☐			
1.23. Identifikacija kontejnera/broj plombe		1.24. Način pakovanja	
1.25. Pošiljka je namijenjena za			
Vještačku oplodnju svinja ☐			
1.26.		1.27. Za uvoz ili ulaz u CG ☐	
1.28.		1.29.	
1.30.			
1.31. Identifikacija pošiljke Vrsta (Naučni naziv)	Rasa	Identifikaciona oznaka davaoca	Datum sakupljanja Broj odobrenja centra

Dio II: Sertifikacija	II. Podaci o zdravlju	II.a. Referentni broj sertifikata	
	Ja dolje potpisani službeni veterinar, ovim potvrđujem da je gore opisano sjeme: II.1. Sakupljeno, obrađeno i skladišteno u Centru za sakupljanje sjemena ⁽²⁾ koji je odobren i nadgledan u skladu sa Prilogom 1 Dio 1 i 2 Pravilnika o uslovima za veterinarske organizacije za sakupljanje i skladištenje sjemena za vještačko osjemenjavanje svinja i stavljanje u promet; ⁽³⁾ ⁽¹⁾ II .2. Sakupljeno je u Centru za sakupljanje sjemena u kojem borave samo životinje koje nijesu vakcinisane protiv Aujeszkijske bolesti i koje ispunjavaju zahtjeve iz Priloga 1 Dio 2 Pravilnika o uslovima za veterinarske organizacije za sakupljanje i skladištenje sjemena za vještačko osjemenjavanje svinja i stavljanje u promet; ⁽⁴⁾ ⁽¹⁾ III II .2. Sakupljeno je u Centru za sakupljanje sjemena u kojem su neke ili sve životinje vakcinisane protiv Aujeszkijske bolesti uz primjenu vakcine bez glikoproteina E i koji ispunjava zahtjeve iz Priloga 1 Dio 2 Pravilnika o uslovima za veterinarske organizacije za sakupljanje i skladištenje sjemena za vještačko osjemenjavanje svinja i stavljanje u promet; ⁽⁵⁾ II .3. Sakupljeno je, obrađeno, skladišteno i transportovano u uslovima koji ispunjavaju uslove u skladu sa članom 3 i Priloga 1 Dio 2 Pravilnika o uslovima za veterinarske organizacije za sakupljanje i skladištenje sjemena za vještačko osjemenjavanje svinja i stavljanje u promet; ⁽⁶⁾ Napomene Dio I: Polje 1.12.: Mjesto porijekla treba da odgovara Centru za sakupljanje sjemena iz kojeg je sjeme odpremljeno Polje 1.13.: Mjesto odredišta treba da odgovara Centru za sakupljanje sjemena ili Polje 1.23: Navesti broj identifikacije kontejnera i broj plombe. Polje 1.31: Identifikacija davaoca treba da sadrži službenu identifikacijsku oznaku životinje u skladu sa Pravilnikom o identifikaciji i registraciji svinja i Pravilnikom o izmjenama i dopunama pravilnika o identifikaciji i registraciji svinja Datum sakupljanja navodi se u sljedećem formatu: (dd/mm/gggg) Broj odobrenja Centra treba da odgovara broju odobrenja Centra u kojem je sjeme sakupljeno. Dio II: ⁽¹⁾ Precrtati nepotrebno ⁽²⁾ Samo Centri za sakupljanje sjemena u skladu sa članom 4 Pravilnikom o uslovima za veterinarske organizacije za sakupljanje i skladištenje sjemena za vještačko osjemenjavanje svinja i stavljanje u promet. ⁽³⁾ usklađeno sa poglavljem I. i II. Priloga A Direktive 90/429/EEZ. ⁽⁴⁾ usklađeno Prilogom B Direktive 90/429/EEZ. ⁽⁵⁾ usklađeno Prilogom B Direktive 90/429/EEZ. ⁽⁶⁾ usklađeno Prilogom C Direktive 90/429/EEZ. - Boja potpisa mora biti različita od boje štampe. To se odnosi i na pečat osim reljefnih i vodenih žigova		
Službeni veterinar Ime (velikim štampanim slovima): Kvalifikacija i zvanje: Datum: Potpis: Pečat:			